

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Meditationum evangelicarum pars secunda, hoc est:
Solida, ad descendam & exercendam, ex evangeliis tam
dominicalibus quam festivalibus Christi & sui-ipsius
notitiam, informatio**

Creide, Hartmann

Francofurti ad Moenum, 1682

De secundo

[urn:nbn:de:bsz:31-126164](#)

Crates Thebanus ejusmodi testamen-
tum fecit: *Ponite coquo minas decem, medico
drachmam, assentator ita talenta quinque, Consiliario fumum, meretrici talentum, Philoso-
pho triobolum.*

Alexander M. Glaucū Med. quia amicus
suis Hephaestion moriebatur, quamvis sibi
ipsi aduersus Medici consilium interitum
attraxisset, cruciassigi jussit.

Idem Servatori nostro accidit, ut plerumque ingratitudinis messem, pro fideli
sua curatione metat. Imo sunt, qui ipsum
denuo crucifigunt, Heb. 6, 6. & sanguinem
testamenti pollutum ducunt, in quo sanctificati sunt. Heb. 7, v. 30.

Quando Menecrates Medicus Syracusanus, quandam sanitati restituerebat, promittere ei tenebatur, quod pro Jove eum habere & venerari vellet. Hæc nefanda erat temeritas, & temeraria impietas. Sed Servatori id optime convenit, qui propterea languores nostros tulit, & dolores nostros portavit, Esa. 53. v. 4. ut ex miraculo ejus curatione agnoscere debeamus, se verum esse sanatorem, Exod. 15. v. ult. & magistrum sanationum, Esa. 63, 1. qui olim Israelitas sermone suo in deserto sanaverit, Sap. 1, 6, 12. & adhuc hodie omnes ad se venientes sanare possit, præ multitudine enim fortitudinis & roboris, virtutisque ejus, neque unum deficit. Eta. 40. v. 16.

De Secundo.

Transibimus nunc ad alteram partem, *χριτονος* sive notitiam Domini nostri Iesu Christi, contemplaturi. Hic nobis meditandus proponitur:

1. *Tanquam benevolus gentium visitator.*
Exiens enim de finibus Tyri & Sidonis, ve-
nit ad mare Galileæ, inter medios fines De-
capoleos.

Tyrus & Sidon duo emporia fuerunt, ad
mare mediterraneum sita, quæ adeo floruerunt, ut negotiatori, principes, & institores
ejus incliti terra habitu fuerint, Esa. 23. v. 8.

Eò & Christus pervenit in diebus carnis suæ, & postquam pensum suum ibidem absolverat, Judæam repetiit. In quo itinere si-
nes Decapoleos attigit. Hæc regio erat Cælesyria ultra Jordanem, ad mare Galilæum,
qua à decem civitatibus, non multum ibi
inter se distantibus, ita appellata fuit.
Quarum & Gadara una, ubi cives pro-
brose ipsum tractatum, è finibus suis eje-
runt, quia diaboli, permisso ejus, gregem
pororum pascentium, in mare præcipitem
egerant, Matth. 8. v. ult. Jam eo revertitur,
hoc ipso indicans, se nolle interitum ullius,
sed velle, ut omnes ad agnitionem veritatis
perveniant, & eternum salventur. 1. Tim. 2.
v. 4.

Imprimis eo indicavit, gentiles quoque
regnis sui consortes esse, & beneficiorum
suorum compotes fore, si ipsi modo velint.
Propterea dicitur, desiderium omnium
gentium, Hagg. 2. v. 8. Sicut & statim post
resurrectionem suam Apostolos alegavit
in universum mundum, cum expressio man-
dato: *Ite in mundum universum, & docete
omnes gentes.* Matth. 28. v. 19.

Hoc nostro quoque solatio inservit.
Ante octingentenos enim vel nongen-
tenos annos nostri Majores in Gentilissimo
viventes, verum Deum non agnoverunt:
sed gloriam ejus mutaverunt in similitudi-
nem imaginis corruptibilis hominis, & vo-
lucrum, & quadrupedum, Rom. 1. v. 23.

Antiqui Germani Martem & Mercuri-
um pro Diis habuerunt, in quorum hono-
rem liberos suos mactarunt, & ad conte-
standum zelum suum eorum sanguinem
bibe-

biberunt, ut Historiae referunt. Sed Christus Servator noster, qui hic fuit Gentilium visitavit, nos quoque tandem accessit, & illuminavit sedentes in tenebris & umbra mortis. Matth. 4, 16. Ut jam non hospites sumus & advenae, sed cives. Eph. 2, 19.

O beatos nos! Si hoc agnoscimus, non ambulantes in ethnicis prioribus desideriis, sed ad voluntatem ejus, qui de tenebris vocavit nos, in admirabile lumen suum, 1. Pet. 2. v. 9.

Caveamus igitur, ne nominet enus duntaxat Christiani sumus; ne accinatur nobis: Nomen habes, quod vivas, & mortuus es, Apoc. 3. v. 1.

Potius secundum eum, qui vocavit nos, sanctum, & ipsi in omni conversatione sanctissimus, 1. Petr. 1. v. 15. Sic bono animo esse possumus, in omnibus hujus vita ærumnis, Christus enim, à quo nomen gerimus, præivit nobis, relinquens nobis exemplum, ut sequamur vestigia ejus, 1. Pet. 2, 21. Ideo certissimi sumus, quod si commortui fuerimus, & convictur simus, 2. Tim. 2. v. 11. Nam ubi ego sum, illuc & minister meus erit, ait Servator. Joh. 12. v. 26.

II. *Tanquam felicissimus egrotorum curator.* Hic audimus, quod apprehenderit surdum & mutum de turba scorsim, miserit digitos suos in auriculas ejus; & exspuens tetigerit linguam ejus: & suspiciens in celos ingemuerit, & dixerit illi: Ephata, quod est, aperire. Et statim aperte sunt aures ejus, & solutum sit vinculum linguae ejus, & locutus sit recte. Alias Christus solo verbo vel contactu infirmos restituit & mortuos quoque resuscitavit; sed hic certis ceremoniis utitur, quo indicat, se æque per media, ac sine mediis sanare posse.

Ad hunc igitur cum turba Evangelii præ-

sentis configiamus, ejusque auxilium & consilium imploremus, Domini enim est salus, Psal. 3. v. ult.

Huc invitare nos debet:

1. *Prona voluntas*, sicut enim hic muto & surdo promte succurrit: sic & nobis promisit: Antequam clament, ego exaudiam. Esa. 65. v. 24.

Id quod probavit in Rege Hiskia, cui post annūciatam mortem, ad preces ejus ardentes, quindecim annis vitam suam prolongavit, Esa. 38. v. 6. 2. Reg. 20, 6.

Adhuc hodie prope timentes salus ejus, Psal. 85. v. 10. Neminem spernit, neminem abjicit, neminem perhorrescit, nisi forte quis amens ipsum exhorruerit, ait Augustinus. Ideo cum Davide dicere possumus: Ego in misericordia tua speravi, Psal. 13. v. 6.

2. *Magna facultas*, Nullus Medicus in toto orbe erat, qui miserum hunc hominem sanare potuerit. Sed Christus extempore, vi omnipotentis dexteræ, ipsi auditum & orationem restituit, neque enim impossibile est apud ipsum omne verbum, Luc. 1. v. 37.

In Ægypto olim consuetudinis fuit, ut singulis morbis, singuli Medici attributi fuissent, ut hic pestilentiam, ille febrim, iste phtisim curarent. Christus vero omnia est in omnibus, 1. Cor. 15, 28. Liberavit servum Centurionis à paralyssi, Matth. 8. v. 7. Petri socrum à febri, Matth. 8. v. 15. Mulierem à sanguinis profluvio, Luc. 8. vers. 43. Restituit hominem, manum habentem aridam Matth. 12. v. 9. Hominem ad piscinam Bethsaida, triginta & octo annos habentem in infirmitate sua, Joh. 5. v. 5 seqq. Summa: Nulla est calamitas, angustia nulla, ubi non opitulari possit, & quidem superabundanter, quam petimus, aut intelligimus. Eph. 3, 20.

Gau-

Gaudio hinc exulta, mi Christiane! nec
reprobaincrepationem Domini, quia ipse
vulnerat, & medetur, Hiob. 5.v.18.

III. *Tanquam absolutissimus cunctorum
rectificator.* Hoc testimonium impetrat à
turba in Evangelio, supra modum enim stu-
pebant, dicentes: Bene omnia fecit, & sur-
dos fecit audire, & mutos loqui.

In V. T. quasi in proverbium abierat,
quod solus Deus omnia benefaciat, Psal. III.
v.3. Sed hic ad Christum id applicant, eo-
que gloriam divinæ sapientiæ & omnipot-
entiæ attribuunt, quæ non nudo homini
conferri potest: Quamvis enim & homi-
nes quandoque benefaciunt. Sicut Mo-
ses, magnus ille Dei amicus multa bene fecit,
sicut & David, vir & cor Dei, & Salomo Re-
gum omnium sapientissimus: Attamen non
omnia bene fecerunt. Deus solus justus
est. Quis sufficit enarrare opera illius:
Sirac. 18.v.2. seqq.

Salomo in senectute sua peccavit per i-
dolatriam, 1.Reg. 11.v.6. David rebus se-
cundis per adulterium & homicidium, 2.
Sam. 11.v.4. Moses per dissidentiam. Num.
21.v.31. Sed de Christo hic dicitur, quod o-
mnia bene fecerit, hic digitus Dei est! Luc. 11.

Intuemini opus creationis, & perpendite,
quomodo cœlum extenderit, & contigna-
verit aquis, terramque fundaverit super
basin suam, Psal. 104.v.3. 5. A summo cœlo
egressio Solis, & circuitus ejus, usque ad
extremitatem ejus: nec est, qui se abscondat
à calore ejus. Psal. 19.v.6. 7. Luna cre-
scit & mutatur, & discernit menses, & ostensi-
sio est temporis, & signum ævi, Psal. 136. v.
9. Sir. 43. v.6. Homo ad imaginem Dei
conditus erat, in vera justitia & sanctitate.
Eph. 4. v.24. Et ut denuo ingeminem:
Omnia erant valde bona, Gen. 1. vers. 31.

Quod vero Angeli quidam, & homines
quoque imaginem Dei deperdiderunt, &
non amplius in ea felicitate versantur, in
qua à Deo creati sunt, id à peccato est. De-
us enim mortem non creavit: sed invidia
diaboli, &c. Sap. 2. v. 24.

Inde quoq; periculum oritur, de bestiis,
serpentibus, aspidibus, scorpionibus & va-
riis insectis, ut & herbis venenatis, & id ge-
neris alii: Licit enim ea omnia Deus ra-
tione essentiae bona, & ad hominum mini-
sterium creaverit: tamen post lapsum noc-
era facta sunt, cum ob abusum, Rom. 8.
v. 20. tum ob divinam maledictionem,
Gen. 3.v.19. quorum ratione jam vindictæ
inservire tenentur, Sir. 30.v.32. 33.

Spectate Opus redēptionis, & considera-
te, quomodo Christus, ceu alter Adam, o-
mnia bene fecerit, & restituerit, quæ pri-
mus Adam male fecerat, & corruperat,
Rom. 5. v. 19. Frater redimendo non redi-
mere poterat quenquam, Psal. 49.v.8. 9. Sed
Christus amavit animam nostram, Esa. 38.
v. 17. & quæ non rapuit, exolvit, Psal. 69.v.
5. ut à potestate tenebrarum liberati, in re-
gnū lucis transpositi simus. Col. 1.v.13.

Augustinus de hominibus dicit, quod
plus ament verbis, quam operibus: Chri-
stum vero è contrario plus amâs operi-
bus, quam verbis. Quamvis enim mul-
tas præclaras conciones habendo, verba vi-
ta affatim labiis suis sanctissimis dissemina-
vit, Joh. 6. vers. 68. tamen nec catena ejus
membra otiosa fuerunt. Oculis suis amori-
feris peccata nostra deflevit, Luc. 19.v.41.
Aribus benevolis preces non contemnit
invocantium. Luc. 18. v. 4. Pedibus suis
sanctissimis paßim pertransiit, benefaciens
& sanando omnes à diabolo oppressos,
Act. 10.v.38. Manibus miraculosis ægrotos

san-

sanavit. Corde suo benedicto, mundum dilexit, Joh. 3.v.16. Imo toto in corpore nullum membrum fuit, quod non percussum, afflictum, vulneratum & attritum fuerit, quo livore ejus sanaremur, Esa. 53,5.

Quid igitur est, quod debuit ultra nobis facere, quod non fecerit? Esa. 5,4.

Considerate opus miraculosa ejus providentia, & gubernationis? quomodo mirificet sanctos suos, Psal. 4.v.4. per gloriam & ignominiam, per infamiam & bonam famam, 2. Cor. 6.v.8. ut tamen Deum diligentibus omnia in bonum cooperentur, Rom. 8,28.

Id probant exempla Josephi, Davidis, Iobi, Gen. 50. v.20. 1. Sam. 18. & seqq. Job. 1. v.42.

Hoc etiam nostrum solarium esto in hoc mundo! Dominus omnia bene fecit, ideo & porro faciet, neque nos patietur tentari, supradic, quod possumus, 1. Cor. 10. v.13.

sed eripiet & glorificabit, & ostendet salutare suum, Psal. 91.v.15.16. Nempe in vita eterna, ubi verificabitur: Ecce omnia facio nova! Act. 21. v.1. Bene facio cum corporibus, præ claritate enim coruscare debent, 2. Cor. 15.v.41. Bene facio cum animabus, plena enim sapientiae erunt. 1. Cor. 15.v.10.

Confide igitur, mi Christiane! Christus enim ex morte quoque bonum quid elicit, utilia non perditio nobis sed lucrum futura sit, Phil. 1. v.21. nobisque fores pandat ad regnum celorum, Joh. 5.v.24. ubi non amplius moriemur, sed in eternum vivemus, Sap. 5. v.16. & fulgebimus ut firmamentum, Dan. 12.v.3. imo, velut Sol in regno Patris in eternum, Matth. 13. v.43.

Fiat id per Christum JESUM, Servatorem nostrum, Amen.

* * *

Dominica XIII. post Trinitatis.

EvangeliuM Luc. 10. v.23, --- 37.

EXORDIUM.

Quando Sapientissimus Regum Salomo Deo Israelis templum exstruit, inter alia idem fenestris quoque ornavit, quæ fuerunt *perspicua clausæ*, sive interius amplæ, exterius vero angustæ, 1. Reg. 6.v.4.

Hæc mystice intelligenda veniunt.

Templum Salomonis *trifarium* distinctum fuit. In frontispicio fuit *atrium*, quod cœquu e accedere licuit. Deinde sequebatur *Sanctum*, in quo cultus diuinus perficie-

batur, & tertio *Sanctum Sanctorum*, quod nemini ingredi concessum, nisi summo Pontifici, & quidem anniversarie semel tantum, nec sine sanguine.

Sic etiam Numen divinum *habitatione hominum triplicem locum* definit.

1. *Mundum*, hic quasi *atrium* est, in quo boni & mali permixti sunt. Deus enim fecit homines, quasi pisces maris, & quasi reptile non habens principem, Hab. 1. v.14. Interea ecclæ enarrant gloriam Dei, Psal. 19.

Sf

v.24